

Школин төр партийн хургт

Каспийск района «Вторая пятилетка» колхозин эклц партийн организацин коммунистнр эврәннь хургтан Рыжковин долан джилә школин сургъульчирин сургъмджин туск төрәр күүндвр кев.

Багъчудт өггдг сургъмджин көдлшиг бас чигн ясдж, школиннь эцкиринь, олд үүрмүдиннь халәциг улм икдүлдж, коммунистическ чик сургъмдж өгх деерән, бийсиннь цаарандк өслт-суултд дөнъгән күрхд эдн оныган өгцхäv.

Хургт босдж үг келцхәсн улс сургъмджин халхар бәәх болн нань чигн дуту-дундиг йилгъдж, заадж, сургъульчирт күч-көлснә медрлиг багъаснь авн дасхкла, йир туста болдгиг темдглцхäv. Болв эн көдлмш татугъар кегддж йовна, — гидж эдн бас келцхäv.

— Комсомольск болн пионерск ор-

ганизацид дөнъ болм дүнъгә нет чигн сән эклцтә кружок көдлджәхш. Сургъульд ордг зәрм көвүд нома-сн гарсн цагтан олд дунд, бийсдән керг уга газрт альвлсн йовцхана. Зәрм эк-эцкир, үлгүрнь: Убушаев Сакил, Державина Антонида, Махин Никита, Докучаев Василий, Рогатин Аркадий болн нань чигн улс, көвүднь альвлад, буру гаргъад йовсинь үзәд бәәсн бийснь хөрдж үг келх биш, нам тедндән зөв өгнә— гидж багш үр Шевнина темдглв. Аль нет халхарн сургъмджин көдлмшиг сәәнәр делгрүлдж, партийн болн правительствин көдлмштә шиидвриг үнн тодрагъар, таслвр угагъар эк-эцкирин дунд цәәлтгъвр кеджәхмн, школин бәәдлд оныган өгхмн гидж коммунистнр күүндцхäv.

А. ДОРДЖИ-ГАРЯЕВ.